

延壽萬歲殘瓦




延壽萬歲殘瓦延萬二字損程氏云當亦萬歲殿或延壽
觀瓦又史記索隱引漢武故事作延壽觀高三十丈黃伯
思東觀餘論二館辨據所見益延壽三字瓦證小顏益壽
延壽二館之誤謂當呂史記為正但一觀名益延壽耳然
今所得瓦既有延奉益壽又有延壽萬歲安知非二觀之
瓦況漢書郊祀志因封禪書之文益下已增壽字云作益
壽延壽館而漢武故事又有作延壽觀云二黃氏之辨未
為定論福田按如程後說定為延壽觀瓦近是

延年坐瓦




延季二字半瓦程氏云此與上林半瓦皆非殘缺乃瓦當
中具此一種適用平列延季二字殆即殿記所謂延季殿
瓦福田按未央宮有延季殿亦見三輔黃圖引三輔決錄

飛鴻延率瓦



飛鴻延季瓦平列延季二字中作飛鴻形程氏云長安耕
民得於鴻臺阼下其阼與長樂鐘室武帝承露臺錯峙土
人名為鴻雁臺漢書惠帝紀四年三月長樂宮鴻臺災三
輔黃圖長樂宮有鴻臺秦始皇二十七年築高四十丈上
起觀宇此其觀宇之瓦福田按鴻作鴻形并見古人尚象
之意

永奉無疆瓦




又五十四



永奉無疆瓦程氏從錢獻之說為漢太廟瓦福田按漢書
韋元成傳元帝時京師自高祖下至宣帝與太上皇悼皇
考各自居陵旁立廟又園中各有寢便殿昭靈后武哀王
昭哀后孝文太后孝昭太后衛思后戾太子戾后各有寢
園與諸帝合凡三十所永光四季罷昭靈后武哀王昭哀
后衛思后戾太子戾后園一季復毀太上孝惠廟寢園明
季又罷孝文孝昭二太后寢園是先時羣廟竝不獨高
帝為太祖文帝為太宗然也永奉無疆即元帝詔書所云
世二承祀傳之無窮之意

壬子冬杪逢辰續得

便瓦




竹里春溪居畫


竹里春溪居畫

便字瓦程氏云漢書武帝紀六年四月高園便殿火小顏
曰凡言便殿便室者皆非正大之處所曰就便安也園者
於陵上作之既有正寢曰象平生正殿又太便殿為休息
閒宴之處又韋元成傳京師自高祖下至宣帝與太上皇
悼皇考各自居陵旁太廟園中各有寢便殿此為便殿之
瓦福田按是瓦外郭已損而損處回環布紋畢露左右又
有二凸知埏埴時先中央而後外郭中有凸外必有凹若
對筍合縫然

上林瓦




上林瓦



五十九




上林瓦



上林瓦

上林瓦程氏云史記秦始皇本紀三十五年營作朝宮渭
南上林苑中又漢書揚雄傳武帝廣開上林南至宜春鼎
湖御宿昆吾苑南山而西至長楊五柞北繞黃山濱渭而
東周袤數百里此其門署垣衛之瓦福田按秦漢皆有上
林苑則瓦之為秦為漢未可臆斷

上林半瓦



上林半瓦



竹里山房主人

竹里秦漢瓦當文存

上林二字半瓦說見延平半瓦及上林瓦



竹里秦漢瓦當文存

衛瓦



衛字瓦朱排山秦漢瓦圖記據史記秦每破諸侯寫放其
宮室作之咸陽北坂上又長安志圖瓦作楚字者秦瓦也
秦作六國宮室用其國號呂別之謂是秦作衛國宮室之
瓦程氏云漢書百官公卿表衛尉秦官掌宮門衛屯兵注
漢舊儀云衛尉寺在宮內胡廣云主宮闕之門內衛士於
周垣下為區廬區廬者若今之仗宿屋也此即衛尉寺辨
區廬瓦福田按百官公卿表長樂建章甘泉皆有衛尉又
程氏瓦當文字有衛屯瓦足與是瓦互證

右空瓦



右空瓦 福田 按漢書百官公卿表少府秦官掌山海池澤
之稅召給共養屬官有左右司空此右司空署瓦

八風壽存當瓦



八風壽存當瓦朱氏瓦圖記釋為益壽存富四字程氏云
八風壽存當五字漢書郊祀志王莽二季興神僊事呂方
士蘇樂言起八風臺於宮中又莽更未央宮曰壽成室更
霸館曰長存館壽存二字正與莽一時宮館命名相合此
為莽八風臺瓦福田按程氏瓦當文字有蘭池宮當宗正
官當萬歲冢當大萬樂當千金宜富貴當及此八風壽存
當二乃瓦頭本名文選三都賦序玉卮無當劉注當底也
又淮南說林三寸之管而無當注當猶底也瓦覆檐際其
頭正當眾瓦之底故曰當也

徐穀孫云壽存疑即壽成王莽傳始建國元年改未央

宮曰壽成室又三輔黃圖未央宮有壽成殿王莽改未央宮曰壽成室是壽成本因漢殿舊名後或又改壽存如長樂曰常樂長安曰常安之例臺作於壽存室中故曰八風壽存志云宮中謂故未央宮也傳言莽歲復變更吏民不能紀輒繫其故名是瓦亦一明證矣

九字殘瓦



九字殘瓦



九字殘瓦

九字殘瓦二一存延萬歲天久五字一存萬歲常天久長
六字海鹽陳栗園歸自秦中攜贈張叔未者既嘉興徐雲
巢志標復召游秦所得九字瓦歸叔未於是得見全文曰
延壽萬歲常與天久長繹其辭意當亦延壽觀瓦但全文
瓦微特字體不類且久長誤作九長細審瓦質又非近製
攷後漢書光武帝紀建武二年赤眉焚西京宮室發掘園
陵五年詔修復西京園陵又獻帝紀初平二年遷都長安
幸未央宮楊彪傳議徙都長安卓曰隴右材木自出致之
甚易杜陵南山下有武帝故瓦陶竈數千所并功營之可
使一朝而辦此字之變幻當是修復泉遷都時瓦蓋初建


必極意經營如蕭相國治未央宮自題蒼龍白虎二闕而
凡瓦之出善書手可知若修復不過奉詔塞責遷都則事
起倉卒一任旅人小吏為之曷怪其操觚率爾耶瓦文不
載附著其說於此

高安萬世瓦




高安萬世瓦合下四瓦亦張叔未藏錢獻之署為漢大司
馬董聖卿第瓦程氏云漢書佞幸傳哀帝封董賢為高安
侯又詔將作大匠為賢起大第北闕下重殿洞門窮極技
巧此即其第瓦福田按是瓦篆灋與長生無極絕相侶恐
是秦瓦高安取高而不危之義萬世即始皇制詔二世三
世至於萬世是也

鹿甲天下瓦



鹿甲天下瓦上作二鹿形下有甲天下三字俞太學說為
天祿閣瓦程氏云長安志引關中記上林苑中二十二觀
有衆鹿觀此瓦畫二鹿者非一之意甲天下亦云多也蓋
衆鹿觀瓦福田按鹿作鹿形與飛鴻延季同象又三輔黃
圖惠帝安陵有鹿苑此或其垣衛之瓦


都司空瓦殘瓦



都司空瓦四字殘瓦存都空二字
福田按漢書百官公卿表宗正屬官有都司空令丞如淳曰主水及罪人此其署瓦文著瓦字為瓦當中所僅見

竹里秦漢瓦當文存


右將瓦



八十一

右將瓦 福田按漢書百官公卿表郎掌守門戶出充車騎
中郎有五官左右三將續漢書百官志五官中郎將主中
官郎左中郎將主左署郎右中郎將主右署郎此右中郎
將署瓦


甘泉上林瓦



甘泉上林瓦程氏云漢書百官公卿表水衡都尉武帝元
鼎二季置掌上林苑屬官有上林均輸泉甘泉上林都水
等長丞皆屬焉甘泉上林有四丞據此知甘泉之有上林
亦猶上林苑瓦之書上林耳非長丞署瓦也福田按公卿
表水衡都尉下所列七官長丞衡官一水司空二都水三
農四倉五甘泉都水六上林都水七程氏瓦當文字有上
林農官當即農官署瓦此甘泉上林亦即甘泉上林二都
水署瓦攷三輔黃圖上林甘泉二苑皆武帝開置則二都
水官當亦一時所置故召甘泉上林為二署通用之瓦猶
之益壽延壽二觀通用益延壽三字瓦也

竹里春漢瓦當文存

甘林殘瓦



竹里春漢瓦當文存

八十五

竹里春溪公堂文存

甘林瓦



又八十五


甘林二字殘瓦存一甘字徐籀莊藏孫淵如星衍云關輔
記林光宮一曰甘泉宮秦所造漢合二宮呂題瓦程氏云
史記孝文本紀三季五月初幸甘泉索隱引應劭云甘泉
宮名在雲陽一名林光臣瓚云甘泉山名林光秦離宮名
則秦林光宮作於甘泉故呂甘林銘瓦或曰是甘泉上林
省文福田按甘泉上林乃官署瓦此甘林自是甘泉宮或
甘泉苑垣衛之瓦

徐籀莊云史記始皇本紀十季迎太后於雍入咸陽復
居甘泉宮二十七季作甘泉前殿漢書文帝紀三季五
月上幸甘泉郊祀志成帝時震電災林光宮門三輔黃

癸丑春日逢辰續得

圖林光宮胡亥造在雲陽縣界甘泉宮一曰雲陽宮秦
始皇二十七季作漢武建元中增廣之周十九里有林
光宮是甘泉林光秦本二宮皆在雲陽漢曰林光屬之
甘泉故曰甘林蓋漢林光宮瓦

佐弋瓦



佐弋瓦海鹽張石匏得於長安嗣召贈東武劉燕庭喜海
方伯福田按史記始皇本紀衛尉竭內史肆佐弋竭中大
夫令齊等注漢書百官表秦時少府有佐弋漢武帝改為
飲飛掌弋射者漢書百官公卿表少府秦官屬官有左弋
武帝太初元年更名左弋為飲飛掌弋射有九丞兩尉此
其署瓦左字作佐足與史記相證

冢上瓦



冢上瓦張石匏得於長安後歸硤石蔣生沐光煦或據程氏瓦當文字有萬歲冢當鬼氏冢舍謂亦冢墓廬舍之瓦
福田按毛詩傳冢土大社也漢書高帝紀二年除秦社稷
大漢社稷郊祀志注臣瓚曰高帝大漢社稷所謂大社也
又續漢書祭祀志大社方壇無屋有牆門此當是大社牆
門所施之瓦或又據郊特牲喪國之社屋之薄社北牖疑
漢亦大秦社其屋覆於社壇之上故曰冢上然攷郊祀志
漢有公社枌榆社天社巫社里社又召夏禹配食官社無
大秦社之文而高紀明云除秦社稷說恐未確

竹里秦漢瓦當文存

櫻桃轉舍瓦



櫻桃轉舍合下一瓦竝見程氏瓦當文字程云轉舍即傳舍亦長楊五柞之屬呂果木命名福田按宋敏求長安志蓋屋縣有櫻桃驛漢書叔孫通傳惠帝常出游離宮通曰方今櫻桃熟可獻諸果獻由此興後漢書和帝紀舊南海獻龍眼荔枝十里一置五里一候蓋漢時重果獻遂置驛呂遞傳是瓦當即櫻桃驛瓦

六畜蕃息瓦


六畜蕃息



六畜蕃息瓦程氏云當是獸圈署瓦三輔黃圖獸圈九疑
圈一在未央宮中又漢書張釋之傳上登虎圈問上林尉
禽獸簿虎圈嗇夫從旁代尉對虎圈有嗇夫知獸圈必有
署矣福田按漢書百官公卿表主爵中尉秦官景帝中六
季更名都尉武帝太初元季更名右扶風屬官有掌畜令
丞是瓦文曰六畜蕃息蓋掌畜令丞署瓦



竹里秦漢石室文存



聖